

ԸՆԴՈՒՆԵԼ ՈՒԹՅՈՒՆՆԵՐ ՄԸՅՐ ԵԹՈՌՈՒՄ

«ՍՈՒՐԲ ԳՐԻԳՈՐ ԼՈՒՍԱՎՈՐԻՉ» ԵՔԱՆԸԱՆԸ ՀԱՅԱՍՏԱՆԻ ԲԱՐԵՐԱՐԻՆ

Հունիսի 3-ին Մայր Աթոռ Սուրբ Էջմիածին այցելեց հայազգի երախտաշատ բարերար Լևոն Հայրապետյանը՝ հայտնի գրող-հապարակախոս, հասարակական գործիչ Ջորի Բալայանի և Արցախի թեմի հոգևոր առաջնորդ Պարգև Արքեպիսկոպոս Սարգիսյանի ուղեկցությամբ: Վեհարանի իր աշխատասենյակում հարգարժան հյուրերին ընդունեց Նորին Սրբություն Գարեգին Ա Ամենայն Հայոց Կաթողիկոսը:

Տեղի ունեցած ընդ զրույցի ընթացքում Նորին Սրբությունն իր գնահատանքը և հայրական սերն արտահայտեց հայազգի բարերարին՝ Հայաստանին, Արցախին, հայ ժողովրդին, Հայ Առաքելական Եկեղեցուն և Արցախի թեմին նրա նվիրվածության, մատուցած բազում հայրենանվեր ու ազգանվեր ծառայությունների համար, որոնց թվում հատկապես գնահատանքի է արժանի նրա օժանդակությունը Գանձասարի պատմական վանքի վերանորոգման աշխատանքներին: Այնուհետև Նորին Սրբությունը Հայրապետյանին Կոնդակի ընթերցումից հետո պարոն Հայրապետյանին պարգևատրեց Մայր Աթոռի բարձրագույն՝ «Սուրբ Գրիգոր Լուսավորիչ» շքանշանով (տե՛ս էջ 130):

Պարոն Հայրապետյանը, իր երախտագիտությունը հայտնելով, նշեց, որ ինքը հետազայում ևս նույն ոգով շարունակելու է բարեգործությունը և ամեն կերպ նպաստելու իր հայրենիքի ծաղկմանը և վերաշինությանը:

«Ս. ԳՐԻԳՈՐ ԼՈՒՍԱՎՈՐԻՉ» ԵՔԱՆԸԱՆ ԱԶԳԱՆՎԵՐ ՀԱՅՈՐԳՈՒՆ

Հունիսի 7-ին Մայր Աթոռ Սուրբ Էջմիածին այցելեցին Շվեյցարիայից ժամանած մի խումբ հայեր: Ազգային բարերար Տիգրան Իզմիրլյանի գլխավորած պատվիրակությանը, որի կազմում էին իր ընկերները, Հակոբ Սարգսյանն իր տիկնոջ հետ և Տ. Արեւ Բահանա Օղյուզյանը, ուղեկցում էր Պաշտպանության նախարարության ներկայացուցիչը՝ գեներալ Ալիկ Պետրոսյանը:

Հյուրերը նախ այցելեցին Մայր Տաճար և շրջեցին թանգարանում, որտեղ նրանց պատշաճ բացատրություններ տրվեցին պահվող եկեղեցա-ձիսական ցուցանմուշների մասին:

Այնուհետև խումբն առաջնորդվեց դեպի Վեհարան, որտեղ հյուրերին ընդունեց Նորին Սրբություն Գարեգին Ա Ամենայն Հայոց Կաթողիկոսը:

Հանդիպման ժամանակ Վեհափառ Հայրապետը ազգանվեր հայորդիների հետ մտերմիկ և բովանդակալից զրույց ունեցավ, որի ընթացքում բացատրեց Մայր Աթոռի առաքելության մյուս նոր հանգրվանը և պատվիրակության անդամների ուշադրությունը հրավիրեց Հայ Առաքելական Եկեղեցու և Հայաստանի արդի կացության վրա:

Հանդիպման ավարտին կյուրերն այցելեցին «Գանձատուն» թանգարան. որից հետո, ի պատիվ մեծարգո կյուրերի, Վեհարանի ճաշասրահում ընթրիք տրվեց: Ընթրիքի ընթացքում Նորին Սրբությունը հանդիսավորապես, Հայրապետական կոնդակով, պարոն Տիգրան Իզմիրլյանին շնորհեց Ար. էջմիածնի քարձրագույն պարգևը՝ «Ս. Գրիգոր Հուսավորիչ» շքանշանը (տե՛ս էջ 131):

Ընթրիքին ներկա էին նաև նրանցի պետական համալսարանի ուսկուր Թադիկ Մարտիրոսյանը, Հոգևոր Ճեմարանի տեսուչ Հայկազուն Մ. Վրդ. Նաշաթյանը. աստվածաբանական ֆակուլտետի դեկան Շահեն Արժնպիսկոպոս Անեմյանը և գեներալ Մ. Պետրոսյանը:

ՀՈՒՆԱՍՏԱՆԻ ԶԻՆՎԱԾ ՈՒԺԵՐԻ ՊԱՏՎԻՐԱԿՈՒԹՅԱՆ ԱՅՑԸ ՄԱՅՐ ԱՌՈՒ Ս. ԷԶԱՄԻԱՍԽԱՆ

Հունիսի 19-ին Մայր Աթոռ Ս. էջմիածին այցելեց Հունաստանի Հանրապետության գինված ուժերի պատվիրակությունը՝ Ազգային Պաշտպանության գլխավոր շտաբի պետ, գեներալ Աթանասիոս Ջուզանիսի գլխավորությամբ: Պատվիրակության կազմում էին Հայաստանի Հանրապետությունում Հունաստանի արտակարգ և լիազոր դեսպան Յակովոս Սպեցիոսը, Հայաստանի Հանրապետության պաշտպանության նախարարության գլխավոր շտաբի պետ գեներալ-լեյտենանտ Միխայել Հարությունյանը, երկու երկրների բանակների մի շարք բարձրաստիճան սպաներ: Պատվիրակությանը Վեհարանի իր սշխատասենյակում ընդունեց Նորին Սրբություն Պարեգին Ա Ամենայն Հայոց Կաթողիկոսը:

Վեհափառ Հայրապետն իր ուրախությունը հայտնեցով այդ այցելության համար, ընդգծեց հայ և հույն ժողովուրդների դարավոր բարեկամությունն ու եղբայրությունը, երախտագիտությամբ շեշտեց այն հանգամանքը, որ Հունաստանն այն երկրներից մեկն էր, որ 1915 թ. Մեծ եղեռնից հազիվ մազապուրծ հայ ժողովրդի գաղթական զավակների համար եղավ փրկության առաքին օջախներից մեկը: Մեր ժողովուրդը երբեք չի մոռանում դա, և մեր երկրների, նկեղեցիների և ժողովուրդների համագործակցությունը այսուհետև պիտի է՛լ ավելի խորանա և զարգանա թե՛ հոգևոր և թե՛ ֆաղափական ասպարեզներում:

Գեներալ Աթանասիոս Ջուզանիսը, շնորհակալություն հայտնեցով ընդունելության համար, նշեց, որ Հունաստանի գինված ուժերի պատվիրակության սույն այցելությունը հանդիսանում է հույն ժողովրդի եղբայրական ջերմ սիրտ և զգացմունքների արտահայտությունը հայ ժողովրդի հանդեպ: Կարևորելով Հայ Առաքելական եկեղեցու դերը հայ ժողովրդի կյանքի հատկապես այս անցումային դժվարին ժամանակաշրջանում, մաղթեց Վեհափառ Հայրապետին առողջություն, հաջողություններ և ամենայն բարիք:

Վեհափառ Հայրապետը հայտնեց, որ ներկայումս մեր եկեղեցին մի նոր վերազարթոնք, վերածնունդ է ապրում, և այժմ Հայ եկեղեցու համար խիստ կարևոր ու կենսական խնդիր է երիտասարդ հոգևորականների պատրաստումը և հայ ժողովրդի դաստիարակությունը Հայ Առաքելական եկեղեցու ավանդույթներով: Նորին Սրբությունը կարևորեց նաև Հայ և Հույն եկեղեցիների համագործակցությունը և խնդրեց իր ողջույնները փոխանցել Հույն եկեղեցու պետին:

Հանդիպման ավարտին պատվիրակությունը շրջեց Մայր Աթոռի թանգարաններում և ծանոթացավ հայ հոգևոր արվեստի և մշակույթի գանձերին: